

# Mikhail Bereznitskiy

Mihail Bereznitskiy je jedan on najbriljantnijih violista današnjice.

**Rodion Ščedrin**

Mihail Bereznitskiy posjeduje predivan zvuk, virtuoznu tehniku, izuzetnu interpretaciju i dubok uvid u ideju kompozitora.

**Vladimir Krajnjev**

**Mikhail Bereznitskiy**  
(viola)

**Mikhail BEREZNITSKIY** je po mišljenju mnogih poznatih muzičara, jedan od najboljih violista u svijetu. Kombinacija toplog zvuka viole i violinske virtuoznosti, moćnog temperamenta i prefinjene lirike, revolucionarne avangardne ideje, stavljaju ga u red sa najboljim svjetskim muzičarima.

Violu počinje da svira tek sa 26 godina. Do tada je već kaoiskusni violinista i formirani muzičar svirao kao solista, saradivao sa najboljim svjetskim orkestrima i svirao u raznim kamernim ansamblima. Ipak, osjetio je da mu je viola bliži instrument, i po zvuku i po stilu.

Kao violinista, za vrijeme školovanja na Moskovskom konzervatorijumu, bio je u klasi prof. M.S. Glezarove i N.G. Beškine a iskustvo kamernog muziciranja je stekao pod rukovodstvom M.S. Kopelmana, V.A. Berlinskog, D.V. Šebalina, A.G. Bahćieva i mnogih drugih.

Zatim upisuje postdiplomske studije u klasi profesora J.A. Bašmeta.

Tih godina mnogo nastupa na koncertima i kao violinista i kao violista, koristeći nekad oba instrumenta na istom koncertu.

Pobjednik je međunarodnog takmičenja kamerne muzike "V.Bellini" u Italiji, 1990. god.

Bereznitskiy je laureat međunarodnog takmičenja violista "L. Tertis" u Engleskoj (1997), takođe je i prvi ruski violista koji je osvojio nagradu na tom takmičenju od 1980. godine, kada je takmičenje osnovano.

Pobjednik je i međunarodnog takmičenja violista J. Bašmet u Moskvi.

Kao solista i član raznih ansambala učestvuje na festivalima u Rusiji, Litvaniji, Letoniji, Mađarskoj, Poljskoj, Italiji, Austriji, Španiji, Njemačkoj, Francuskoj, Finskoj, Engleskoj, Kostarici, Južnoj Koreji i dr. Među festivalima su "Decembarske večeri" na sjećanje S.T.Rihtera i „Moskovska jesen" u Moskvi, «Berliner Festwochen» i «Oleg Kagan Musikfest» u Njemačkoj, «Bath International Music Festival» u Engleskoj.

Mihail Bereznitskiy je prvi u Rusiji izveo mnoga djela kompozitora kao što su N.Rota, M. Najman, R. Klark, Dž. Bouen, M. Feldman, E. Podgajc, I. Golubev i dr.

Svirao je u ansamblu sa muzičarima kao što su G. Kremer, A. Ljubimov, N. Gutman, J. Bašmet, V. Tretjakov, A. Rudin, N. Štarkman, K. Blaher, V. Lobanov, J. Franc, I. Gitlis.

Od 2002. do 2016. godine radio je kao docent na Moskovskom konzervatorijumu. Dobitnik je priznanja Zaslužni umjetnik Rusije, član je žirija mnogih međunarodnih takmičenja. Snimao je za radio i televiziju.

Trenutno mnogo nastupa po cijelom svijetu.

